



Dipalangwa le didirisiwa di a ipela

Dipotso pele ga puiso


1. Dipalangwa ke eng?
2. O rata dipalangwa di fe?
3. O nagana gore go reetsa batho ba bagolo go botlhokwa jang?



Malome Ntsimane o ntse mo tlase ga setlhare mo setileng sa maoto a mane. Bana ba tla ba salane morago go tsena ka kgoro ya ga malome Ntsimane. Ba dumedisa malome Ntsimane ka modumo o mogolo, ba ntse ba re, “Dumela malome”. Malome Ntsimane o laela bana gore ba nne mo dipankeng gore a ba tlotlele dikgang. Malome Ntsimane a ba bolelela gore o na le dikgang tse di monate, “le utlweletse?”.



Bana ba leba malome Ntsimane mo mathong ba didi nnete, ba letile dikgang tse di monate. Malome Ntsimane o ba botsa gore ke goreng ba mo lebile ka tidimalo jaana. Lethabo a araba, “Re rata go utlwa ka dikgang tsa gago tse di monate, malome”. Malome a tshega mme a botsa Lethabo gore a ba tlotlele ka ga eng?”. Bana botlhe ba araba ba re, “Ka dipalangwa malome, re a go kopa malome.”




Malome Ntsimane a raya bana a re, “Go siame, ke tla le tlotlela ka dipalangwa”.

Malome Ntsimane a laela bana gore ba nne fa fatshe pele a ba tlotlela.

Bana ba nna fa fatshe ba ntse ba tshega ba re:

“Re a leboga malome.”



Malome Ntsimane a tswela kwa ntle go ya go tsaya bukana ya ditshwantsho.

Fa a bou, Modise a botsa malome Ntsimane gore o tshotse buka ya eng.

Malome Ntsimane a ba bolelela gore ke buka ya ditshwantsho tsa dipalangwa.

Bana ba sianela kwa go malome, ba ntse ba re,


“ tla re bone malome Ntsimane”.



Malome Ntsimane a kopa bana go nna fa fatshe gore a ba lotolele ka dipalangwa. Malome a re, “Re na le dipalangwa tse di farologaneng le mo di tsamayang”. Bana ba buela gongwe, ba ntse ba re, “BMW... Mercedes... Toyota... Audi... Nissan... Hyundai...”. Malome a keketegile ka ditshego a ntse a re, “Gontse banake, nnang fa fatshe”. Malome Ntsimane a tswelapele, “Go na le di dipalangwa tsa bogologolo le tsa segompieno”.



Malome Ntsemane a simolola go tlotlela bana ka ga mefuta ga dipalangwa. Malome a re, “Re na le dipalangwa tse di farologaneng le mo di tsamayang”. Bana ba opa diatla ka boitumelo malome ene a ba lebile a ntse a tshega. Malome a tswelapele. “Go na le di dipalangwa tsa bogologolo le tsa segompieno”. Malome a botsa, “Ke mang yo a ka nnayang sekao sa sepalangwa sa kgale?”



Bana ba lebelletse malome Ntsimane ba maketse gore a go na le mefuta ya dipalangwa. Malome Ntsimane a re, “Go dipalangwa tsa mo metsing, tsa tsepele tsa lefaufau”.

Bana ba ne ba reeditse ka ditsebe tse pedi ba batla go itse ka dipalangwa.

Malome Ntsimane a simolola pele ka dipalangwa tsa metsi a ntse a supa mo bukeng. Bana ba ntse ba tsipana, ba tshega, ba sebaseba, ba sa utlwelela malome Ntsimane.




Malome Nsimane a didimatsa bana a ba bontsha di swantsho tsa dipalangwa tsa mo metsing. Malome a ba bontsha dikepe tse di farologaneng tsa bogologolo le tsa segompieno. Bogologolo batho ba ne ba dirisa dikepe go rwala merwalo, jaaka didirisiwa tsa temo. Le gompieno dikepe di santse di dirisiwa go rwala merwalo. Bana ba ne ba reeditse ka ttheoafalo ba koma ka ditlhogo, Modise a tsorame.




Modise a nna fa tšhe fa malome Ntsimane a phutholola buka a bontsha bana ditshwantsho. Malome a bontsha bana ditshwantsho tsa dipalamekane tsa mo moweng jaaka difofane tse di farologaneng. Malome o ba bolelela gore difofane di palamisa batho le go fofisa dithoto. Mosetsana Kaelo a re, “Malome le nna ke batla go nna mokganni wa difofane”. Bana ba tshega, ba pagame mo godimo ga dipanka. ba re, “Kaelo...Kaelo... Kaelo...”



Malome Ntsi mane a kopa bana ba botlhe gore ba phaphathele Kaelo diatla. Malome a bontsha bana dipalangwa tsa lefaufu jaaka Shuttle, Rovers, Apollo, jalojalo. Malome a ba bolelela gore motho wa ntlha go fofela kwa ngweding ke Neil Armstrong. Mark Shuttleworth ke MoAforika Borwa wa ntlha go fofela kwa ngweding ka ngwaga wa 2002. Bana ba ne ba maketse gore a batho ba ka kgona go fofela kwa ngweding.



Malome Ntsimane a tswelela go bontsha bana ditshwantsho tsa diterene tsa bogologolo le tsa segompieno. “Diterene tse di dintle jang, ke tsa ga mami a malome?”, ga botsa Thuli a maketse. Malome a bolelela Thuli gore o tla mo bolelela kgantele gore ke diterene tsa mang. Malome a ba bolelela gore diterene di palamisa batho le dithoto, gaufi le kgakala. Malome Ntsimane a ba bolelela ka terene e e lebelo thata e e bidiwang Gautrain.



Malome Ntsamane a phutholola buka, a bontsha bana mefuta ya dibese, diterekere, dikoloi le dithuthuthu. Malome a bolelela bana gore di palamane batho le dithoto go ya gaufi le kgakala. Kitso a thunya ka setshego, a botsa, “malome kante le sethuthuthu ke sepalangwa?”. Malome a re, “Ee ngwanyana, sethuthuthu le sona ke sepalangwa, fela ke sa kgale”. Bana ba itumeletse thuto e, ba kopa malome a ba rute gape le kamoso.